



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Internal Affairs

Broj: 01-11-4-2580-8/23  
Sarajevo, 04.09.2023. godine

Na osnovu člana 21. stav (3) tačka c) Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16) i čl. 14. i 70. Zakona o javnim nabavkama („Službeni glasnik Bosne i Hercegovine”, broj 39/14, 59/22) i preporuke Komisije za javne nabavke Ministarstva unutrašnjih poslova Kantona Sarajevo za 2023. godinu, imenovane Rješenjem broj 01-11-4-1880 od 03.04.2023. godine, u postupku javne nabavke usluga osiguranja motornih vozila (obavezno i kasko za potrebe Ministarstva unutrašnjih poslova Kantona Sarajevo, ministar **d o n o s i**:

## **ODLUKU**

**o dodjeli ugovora u postupku nabavke usluga osiguranja motornih vozila (obavezno i kasko) za potrebe Ministarstva unutrašnjih poslova Kantona Sarajevo**

### **I**

Na osnovu Odluke broj 01-11-4-2580 od 19.05.2023. godine i Obavještenja o nabavci broj 1364-1-2-20-3-46/23 od 31.05.2023.godine, proveden je otvoreni postupak sa namjerom zaključivanja okvirnog sporazuma na dvije godine s jednim ponuđačem za nabavku usluga osiguranja motornih vozila (obavezno i kasko) za potrebe Ministarstva unutrašnjih poslova Kantona Sarajevo.

### **II**

Komisija je shodno Zakonu o javnim nabavkama i postupajući po Rješenju broj 01-11-4-2580-7/23 od 02.08.2023. godine, primjenjujući kriterij "najniža cijena", dala preporuku o dodjeli ugovora ponuđaču Croatia osiguranje d.d. sa ponudom u iznosu od 16.604,22 KM bez PDV-a.

### **III**

Po okončanju procedure, ugovorni organ će pozvati izabranog ponuđača radi zaključivanja okvirnog sporazuma i ugovora o javnoj nabavci, kojim će se regulisati međusobna prava i obaveze.

### **IV**

Ova odluka stupa na snagu danom donošenja.



## Obrazloženje

Na osnovu Odluke o pokretanju postupka nabavke broj 01-11-4-2580 od 19.05.2023. godine i Obavještenja o nabavci broj 1364-1-2-20-3-46/23 od 31.05.2023. godine na portalu Agencije za javne nabavke objavljen je postupak nabavke usluga osiguranja motornih vozila (obavezno i kasko) za potrebe Ministarstva unutrašnjih poslova Kantona Sarajevo (sukcesivna nabavka), putem otvorenog postupka. Za predmetni postupak predviđeno je zaključivanje okvirnog sporazuma na dvije godine sa jednim ponuđačem.

U skladu sa gore navedenim Obavještenjem o nabavci ponudu je dostavilo pet ponuđača i to: Sarajevo-osiguranje d.d., Grawe osiguranje d.d., Euroherc osiguranje d.d., Croatia osiguranje d.d. i Adriatic osiguranje d.d.. Tendersku dokumentaciju je preuzelo je 15 ponuđača dok je prvu izmjenu Tenderske dokumentacije preuzelo deset ponuđača, a izmjenu tenderske dokumentacije je preuzelo osam ponuđača.

U postupku nabavke postavljena su dva pitanja na koja je odgovoreno u zakonskom roku.

Sve prispijele ponude su blagovremene i imaju sljedeće vrijednosti:

PONUĐAČ	Iznos ponude bez PDV-a (KM)	Popust (KM)	Iznos ponude bez PDV-a (KM)
Sarajevo-osiguranje d.d. Sarajevo	Iznad procijenjene vrijednosti	-	Iznad procijenjene vrijednosti
Grawe osiguranje d.d. Sarajevo	15.008,77	0,00	15.008,77
Euroherc osiguranje d.d.	15.849,90	0,00	15.849,90
Croatia osiguranje d.d.	16.604,22	0,00	16.604,22
Adriatic osiguranje d.d.	18.337,01	0,00	18.337,01

Na osnovu podataka o vrijednosti ponuda iz prethodne tabele, vidljivo je da ponuda ponuđača Sarajevo-osiguranje d.d. Sarajevo prelazi procijenjenu vrijednost nabavke, te se shodno tome, a u skladu sa članom 2. stav (1) tačka 1, Zakona o javnim nabavkama („Sl. glasnik BiH,, broj 39/14 i 59/22), koji kaže da je neprihvatljiva ponuda, ona ponuda čija cijena premašuje planirana odnosno osigurana novčana sredstva ugovornog tijela, te se odbacuje kao neprihvatljiva.

Komisija je izvršila kontrolu dostavljene dokumentacije, način uvezivanja ponuda, primjenu propisane forme dostavljenih dokumenata, validnost ponude, njen potpis i ovjeru, računsku kontrolu te je izvršen pregled i provjera drugih dokumenata i konstatovano je da su ostale prihvatljive ponude formalno-pravno ispravne, odnosno da su se stekli uslovi za zakazivanje e-aukcije.

E-aukcija je zakazana dana 26.06.2023. godine u 14:00 sati.

Nakon što je okončan postupak e-aukcije Komisija je održala sastanak 26.06.2023. godine u 15:00 sati i izvršila analizu Izvještaja o toku i završetku e-aukcije.

Prema Izvještaju o toku i završetku e-aukcije nije bilo podnošenja ponuda, odnosno konačne vrijednosti ponuda jednake su početnim, i to kako slijedi:

R.B	PONUĐAČ	Konačna cijena u KM bez PDV-a	Rang
1.	Grawe osiguranje d.d. Sarajevo	15.008,77	1
2.	Euroherc osiguranje d.d.	15.849,90	2
3.	Croatia osiguranje d.d.	16.604,22	3
4.	Adriatic osiguranje d.d.	18.337,01	4



Adresa: Sarajevo, La Benevolencije 16

Tel: + 387 (0)33 286-701, 286-702,

Fax: + 387 (0)33 226-445

Web: <http://mup.ks.gov.ba>, Email: [ministar@mup.ks.gov.ba](mailto:ministar@mup.ks.gov.ba)

Na osnovu utvrđenih činjenica i preporuke Komisije, ministar je donio Odluku o dodjeli ugovora za nabavku usluga osiguranja motornih vozila (obavezno i kasko) za potrebe Ministarstva unutrašnjih poslova Kantona Sarajevo ponuđaču Grawe osiguranje d.d. Sarajevo.

Nakon dostavljanja pomenute Odluke ponuđačima, u zakonskom roku je izjavljena žalba na Odluku o dodjeli ugovora za nabavku usluga osiguranja motornih vozila (obavezno i kasko) broj: 01-11-4-2580-4 od 13.07.2023. godine, od strane ponuđača Croatia osiguranje d.d..

Komisija je postupajući po Žalbi izjavljenoj u zakonskom roku od strane ovlaštenog lica, Rješenjem broj 01-11-4-2580-7/23-7 od 02.08.2023. godine, usvojila žalbene navode Žalioca.

Žalbeni navodi se odnose na ponude ponuđača Grawe osiguranje d.d. Sarajevo i Euroherc osiguranje d.d. u kojima Žalioc navodi da su oba ponuđača prekršila odredbe Odluke o načinu utvrđivanja tarife premije i cjenika za osiguranje vlasnika vozila od odgovornosti za štetu prouzrokovanu trećim osobama, a koju je donio Stručni savjet Agencije za nadzor osiguranja F BiH ("Sl. novine Federacije BiH" broj, 77/20, 42/22, 85/22 i 56/23).

Shodno Rješenju o usvajanju žalbe i utvrđenom činjeničnom stanju kao i kriteriju za dodjelu ugovora „najniža cijena“, a u skladu sa članom 70. Zakona o javnim nabavkama BiH („Sl. glasnik BiH“ broj 39/14 i 59/22), Komisija jednoglasno daje preporuku ministru unutrašnjih poslova Kantona Sarajevo da donese novu odluku o dodjeli ugovora za nabavku usluga osiguranja motornih vozila (obavezno i kasko) za potrebe Ministarstva unutrašnjih poslova Kantona Sarajevo, ponuđaču Croatia osiguranje d.d. u iznosu od 16.604,22 KM bez PDV-a.



**DOSTAVITI:**

1. Ponuđaču - Croatia osiguranja d.d.
2. Upravi podrške,
3. Komisiji,
4. Kabinetu ministra - stručni savjetnik za odnose s javnošću i
5. a/a.

